



გორის სულხან ცინცაძის სახელობის სამუსიკო კოლეჯი

დამტკიცებულია:
სსიპ ქ.გორის სულხან ცინცაძის სახელობის
სამუსიკო კოლეჯის დირექტორის
ბრძანებით
N1/32-22.06.2020

საგანგებო სიტუაციების მართვის გეგმა

1. შესავალი

სსიპ-ქ.გორის ს.ცინცაძის სახელობის სამუსიკო კოლეჯის (შემდგომში - კოლეჯი) საგანგებო სიტუაციების მართვის გეგმა შემუშავებულია „სამოქალაქო უსაფრთხოების შესახებ“ საქართველოს კანონის, „საგანგებო სიტუაციებზე რეაგირების ძალების წესდების დამტკიცების შესახებ“ საქართველოს მთავრობის დადგენილების, „საგანგებო მართვის გეგმის მომზადების წესების შემუშავების შესახებ“ საქართველოს მთავრობის დადგენილებისა და საერთაშორისო სტანდარტებით აღიარებული მეთოდების საფუძველზე.

გეგმა განსაზღვრავს ორგანიზაციის საგანგებო სიტუაციებზე რეაგირების ეფექტურ მიმართულებებს და ღონისძიებებს, ასევე, მართვის პროცესის განხორციელებას საობიექტო დონეზე.

გეგმის მიზანი- ბუნებრივი და ტექნოგენური ხასიათის საგანგებო სიტუაციებისაგან თანამშრომელთა დაცვის საერთო ორგანიზაციულ-სამართლებრივი ღონისძიებების წარმართვა. ასევე, საგანგებო სიტუაციების თავიდან აცილების, მისი განვითარების შემთხვევაში შედეგების შერბილებისა და ლიკვიდაციის ღონისძიებების შემუშავება/ორგანიზება და შესაბამის პირთა კოორდინირებული ქმედებების უზრუნველყოფა.

2. ტერმინები და განმარტებები

საგანგებო სიტუაცია – ობიექტზე, გარკვეულ ტერიტორიაზე ბუნებრივი მოვლენების, სტიქიური უბედურების, ხანძრის, ავარიის, კატასტროფის ან სხვა სახის უბედურებების, აგრეთვე დაზიანების საბრძოლო საშუალებათა გამოყენების შედეგად წარმოქმნილი სიტუაცია, როდესაც ირღვევა ადამიანთა ცხოვრებისა და საქმიანობის ნორმალური პირობები, საფრთხე ემუქრება მათ სიცოცხლესა და ჯანმრთელობას, ზარალდება მოსახლეობა და ზიანდება ბუნებრივი გარემო;

საგანგებო სიტუაციის ზონა – განსაზღვრული ტერიტორია ან აკვატორია, სადაც წარმოიქმნა საგანგებო სიტუაცია;

საგანგებო სიტუაციის თავიდან აცილება – სამართლებრივ, ორგანიზაციულ, ეკონომიკურ, საინჟინროტექნიკურ, სანიტარიულ-ჰიგიენურ, სანიტარიულ-ეპიდემიოლოგიურ და სხვა ღონისძიებათა კომპლექსი, რომლებიც ხორციელდება ბუნებრივ გარემოსა და საშიშ საწარმოო ობიექტზე მონიტორინგისა და კონტროლის ორგანიზების, საგანგებო სიტუაციის წარმოქმნის პროგნოზირებისა და

პროფილაქტიკის, საგანგებო სიტუაციისათვის მომზადების, ხოლო მისი წარმოქმნის შემთხვევაში – ზარალის შემცირების მიზნით;

სახანძრო-სამაშველო დანაყოფები – სახანძრო დაცვისა და სამოქალაქო თავდაცვის საქმიანობის განმახროციელებელი სახელმწიფო ორგანოები.

3. მოსალოდნელი საფრთხეებისა და რისკების შეფასება

გორის სამუსიკო კოლეჯი მდებარეობს ქ.გორის მუნიციპალიტეტში (ქალაქში). იგი მდებარეობს ზომიერი მიწისძვრის ინტენსივობის რაიონში. მისი განთავსების ტერიტორია ემიჯნება საცხოვრებელ შენობებს.

. ობიექტის დახასიათება

კოლეჯის ცალკე მდგომი შენობა არის ორსართულიანი მონოლითური აგებულების. სარდაფის, პირველი და მეორე სართულის ბეტონის გადახურვით, ეზოთი. ტერიტორიაზე ცალკე ნაგებობაში განთავსებულია ბუნებრივ აირზე მომუშავე ცენტრალური გათბობის სისტემა, რომელიც აკმაყოფილებს ხანძარსაწინააღმდეგო მოთხოვნებს. შენობა უზრუნველყოფილია წყლითა და ელექტროენერგიით. შენობაში თვალსაჩინო ადგილას განთავსებულია საევაკუაციო გეგმები.

5. კოლეჯის პერსონალის და სტუდენტების სწავლება

კოლეჯის პასუხისმგებელი პირების, პერსონალისა და სტუდენტების გადამზადება ითვალისწინებს მათთვის საგანგებო სიტუაციების დროს ქცევის წესების გამომუშავებას, მათი შრომითი და საწარმო-ტექნოლოგიური უსაფრთხოების ამაღლებას. კოლეჯის პასუხისმგებელი პირების, პერსონალისა და სტუდენტების სწავლება მოხდება უშუალოდ ადგილზე, საგანგებო მდგომარეობის პირობებში, დისტანციურადაც, სულ მცირე ექვს თვეში ერთხელ.

საგანგებო სიტუაციების მართვის შტაბის წევრთა ფუნქციონალური მოვალეობები საგანგებო შტაბის შეტყობინების სქემა

6. საგანგებო შტაბის შემადგენლობა:

1. საგანგებო შტაბის უფროსი (კოლეჯში შრომის უსაფრთხოებაზე პასუხისმგებელი პირი);
2. ექთანნი;
3. სახანძრო უსაფრთხოებაზე პასუხისმგებელი პირი;
4. წესრიგის დაცვის ჯგუფის პასუხისმგებელი პირი;

7. საგანგებო სიტუაციების მართვის შტაბის წევრთა ფუნქციონალური მოვალეობები

7.1. საგანგებო სიტუაციების მართვის შტაბის უფროსი (კოლეჯში შრომის უსაფრთხოებაზე პასუხისმგებელი პირი) კოლეჯის თანამშრომელთა სიმცირის გამო იგი ითავსებს საევაკუაციო ჯგუფის უფროსისა და შეტყობინებაზე პ/მგ პირის მოვალეობებს.

კოლეჯის საგანგებო შტაბის უფროსი (შრომის უსაფრთხოებაზე პასუხისმგებელი პირი) ანგარიშვალდებულია, ზემდგომი ხელმძღვანელობის წინაშე. იგი პასუხისმგებელია „კოლეჯის“ საგანგებო სიტუაციებისათვის მუდმივი მზადყოფნისათვის, რეაგირების დაგეგმვისა და შესაბამისი ღონისძიებების გატარებაზე მშვიდობიან და ომის შემთხვევაში.

მას ევალება:

ა.

- “კოლეჯისის” საგანგებო სიტუაციებზე რეაგირების გეგმის შედგენა და მისი ამოქმედება საგანგებო სიტუაციების დროს.
- თანამშრომლებისათვის საშიშროების შესახებ შეტყობინება და შესაბამისი ქმედებების ორგანიზება.
- მართვის და შეტყობინების ორგანიზება.
- თანამშრომელთა დადგენილი წესის მიხედვით დროული ევაკუაცია უსაფრთხო ადგილებში.
- ექსტრემალური სიტუაციების განვითარების შემთხვევაში სამაშველო და სხვა გადაუდებელი სამუშაოების ჩატარება.
- ორგანიზაციაში ყველა დონის სამოქალაქო თავდაცვისა და საგანგებო სიტუაციების დროს მოქმედებების სწავლების ორგანიზება და განხორციელება.

ბ. ვალდებულია:

- შეიმუშაოს „კოლეჯის“ ევაკუაციის გეგმა;
- განსაზღვროს შენობის საევაკუაციო გზები და გასასვლელები, იზრუნოს მათზე მანიშნებელი ნიშნების დაყენებაზე;
- ორგანიზება გაუკეთოს თანამშრომელთა რაოდენობის განსაზღვრას მათი ოპერატიულად ევაკუაციის მიზნით;
- მონაწილეობა მიიღოს ევაკუაციის შემთხვევაში ევაკუირებულთა მომარაგებაში პირველადი მოხმარების ნივთებით;
- აქტიური მონაწილეობა მიიღოს ობიექტის რეაგირების გეგმის შემუშავებაში, ევაკუაციას საკითხების დაზუსტებაში;
- საგანგებო სიტუაციების შემთხვევაში იცოდეს და წინასწარ ჰქონდეს მომზადებული თანამშრომელთა უსაფრთხო ადგილებში გადაადგილებისათვის საჭირო მონაცემები; - ევაკუაციის გამოცხადების შემთხვევაში იგი ვალდებულია:
 - ა) სპეციალური სიგნალებით, დროულად შეატყობინოს თანამშრომლებს ევაკუაციის დაწყება;
 - ბ) ორგანიზება გაუკეთოს დანიშნულ დროში სრული შემადგენლობით თანამშრომელთა გამოცხადებას შემკრებ პუნქტზე, მათი უსაფრთხო ადგილებში გადასაყვანად.

გ. ვალდებულება:

- აქტიური მონაწილეობა მიიღოს რეაგირების გეგმის შემუშავებაში.
- ორგანიზება გაუკეთოს მართვის, კავშირისა და შეტყობინების მუდმივ მზადყოფნას.
- დროულად განახორციელოს შეტყობინება ხელმძღვანელი პირების და პერსონალის საგანგებო სიტუაციებზე რეაგირების ღონისძიებების განხორციელების თაობაზე.

7.2. ექთანნი

1. იმ შემთხვევაში, თუ კოლეჯს არ გააჩნია კომპეტენცია, სამედიცინო დახმარება გაუწიოს კოლეჯის სტუდენტებს/პერსონალს, სამედიცინო დახმარების აღმოჩენის უზრუნველსაყოფად, ოპერატიულად იქნება გამოძახებული სასწრაფო დახმარება.

2. სამედიცინო დახმარების აღმოჩენის მექანიზმები:

- ა) სტუდენტებსა და კოლეჯის თანამშრომლებს უფლება აქვთ ნებისმიერ დროს მიმართონ კოლეჯის მედდას და მიიღონ შესაბამისი კონსულტაცია ან სამედიცინო დახმარება.
- ბ) თუ სტუდენტი ან კოლეჯის თანამშრომელი ვერ ახერხებს კოლეჯის მედდასთან დამოუკიდებლად მისვლას, ამის შესახებ დაუყოვნებლივ უნდა ეცნობოს კოლეჯის მედდას, დაცვის სამსახურს ან ადმინისტრაციას, რომლებიც ვალდებული არიან მიიყვანონ ეს პიროვნება სამედიცინო პუნქტთან.
- გ) თუ სტუდენტის ან კოლეჯის თანამშრომლის ჯანმრთელობის მდგომარეობის სირთულიდან გამომდინარე ეჭვქვეშ დგება მისი გადაადგილების უსაფრთხოება, კოლეჯში მყოფ ნებისმიერ პირს უფლება აქვს აცნობოს კოლეჯის მედდას და სთხოვოს მას ავადმყოფის ადგილზე გასინჯვა. კოლეჯის მედდა ვალდებულია დააკმაყოფილოს ეს თხოვნა.
- დ) აუცილებლობის შემთხვევაში კოლეჯის მედდამ დაუყოვნებლივ უნდა გამოიძახოს სასწრაფო დახმარება და საჭიროების შემთხვევაში სხვა სამსახურები (პოლიცია და ა.შ.).
- ე) სასწრაფო სამედიცინო დახმარების სამსახურის გამოძახებისას, კოლეჯის მედდამ ოპერატორს უნდა მიაწოდოს ზუსტი ინფორმაცია, კერძოდ:
 - ე.ა. საკუთარი ტელეფონის ნომერი;
 - ე.ბ. კოლეჯის მისამართი;
 - ე.გ. ინფორმაცია შემთხვევის შესახებ;
 - ე.დ. დაზარალებულთა რაოდენობა, სქესი, ასაკი და ზოგადი მდგომარეობა;
 - ე.ე ნებისმიერი სხვა საჭირო ინფორმაცია.

3. კოლეჯის მედდის ძირითადი ფუნქციებია:

- ა) კოლეჯის პერსონალისა და სტუდენტებისთვის უსასყიდლოდ პირველადი სამედიცინო დახმარების აღმოჩენა;
- ბ) კოლეჯის პერსონალისა და სტუდენტებისთვის თავისი კომპეტენციის ფარგლებში უსასყიდლოდ კონსულტაციის გაწევა;
- გ) კოლეჯში ცხოვრების ჯანსაღი წესის დანერგვის ხელშეწყობა;
- დ) შესაძლებლობის ფარგლებში აუცილებელი ღონისძიებების გატარება დაავადებათა გავრცელების თავიდან აცილების მიზნით.
- ე) ამ ამოცანების ეფექტურად შესრულების მიზნით, კოლეჯის მედდას გამოყოფილი აქვს სათანადო ინვენტარითა და მედიკამენტებით აღჭურვილი ოთახი. ოთახში არის ყველა საჭირო ინვენტარი და პირველადი დახმარებისათვის აუცილებელი სხვადასხვა სამკურნალო საშუალებები.

7.3. სახანძრო უსაფრთხოებაზე პასუხისმგებელი პირის მოვალეობები;

ა) მშვიდობიან პირობებში:

- შეისწავლოს “კოლეჯის” შენობა და ელექტროგაყვანილობა სახანძრო დაცვის თვალსაზრისით;

- იცოდეს ელექტროენერჯის მოწოდები წყარო, მისი საერთო გამომრთველის მდებარეობა, ელექტროგაყვანილობის ვარგისიანობა, სუსტი ადგილები;
- სისტემატიურად ახორციელებდეს ხანძარსაწინააღმდეგო პროფილაქტიკურ ღონისძიებებს; უნდა ამოწმებდეს ელექტრო ხაზების მდგომარეობას, ტერიტორიის დასუფთავებას, ცეცხლმაქრი საშუალებების მარაგის არსებობას და სხვა;
- იცოდეს “კოლეჯის” პერსონალის რაოდენობა, ავარიის შემთხვევაში მათთვის დახმარების გაწევის მიზნით.

ბ) ექსტრემალური ვითარების განვითარებისას იგი მოვალეა:

სისტემატიურად მოახსენებდეს საგანგებო შტაბის უფროსს გაწეული საქმიანობის შესახებ; - სასწრაფოდ შეატყობინოს არსებული სიტუაცია შესაბამის საგანგებო სიტუაციების მართვის ორგანოს.

- არსებული საშუალებების გამოყენებით განახორციელოს ცეცხლის ქრობა და მისი ლოკალიზირება, თუ მის სიცოცხლესა და ჯანმრთელობას საფრთხე არ ემუქრება.
- ადგილზე მოსულ მეხანძრე-მაშველებს მოახსენოს საქმის ვითარება.

7.4. წესრიგის დაცვის ჯგუფის პასუხისმგებელი პირი;

საგანგებო სიტუაციების განვითარების შემთხვევაში დაიცვას წესრიგი საგანგებო სიტუაციებზე რეაგირების პროცესში;

- უზრუნველყოს საევაკუაციო ღონისძიებების ორგანიზება და წესრიგის დაცვა მისი განხორციელების პროცესში;
- რეგულარულად შეამოწმოს საევაკუაციო გასასვლელების მდგომარეობა.

განგაშის ზარი

საგანგებო სიტუაციების განვითარებისას ჩაირთვება განგაშის ზარი (წინასწარ შეთანხმებული ხმოვანი სიგნალის იმიტაციით) და ორგანიზება უკეთდება პირველ რიგში გასატარებელი შემდეგი ძირითადი ღონისძიებების განხორციელებას:

- „კოლეჯის“ თანამშრომელთა ევაკუაცია ხანძრის, შესაძლო დატბორვის ან ნგრევის ზონიდან;
- პერსონალის უზრუნველყოფა ინდივიდუალური დაცვის საშუალებებით;
- მატერიალურ ფასეულობათა ევაკუაცია უსაფრთხო ზონებში;
- სამაშველო და ხანძარსაწინააღმდეგო ღონისძიებების ჩატარება;
- კავშირი განხორციელდეს სატელეფონო საშუალებებით. სატელეფონო კავშირის მწყობრიდან გამოსვლის შემთხვევაში კავშირი განხორციელდეს სპეციალური რაციებით ან კურიერის მეშვეობით.